

文集卷第五

嵩山景迂生晁說之字以道一字伯以

古詩

感事

十年三冬時櫃火薰小室讀書似少疲坐睡塵
兩膝飛雪封我窓號風過我壁時有可語人對
之亦默默當時不知樂興言在今夕今夕何為
者荒山事行役僕馭同飢寒愒恍若有失旅舍

既淒涼臺榭更狼藉始信柳柳州幸此南夷謫
歸去亦何難清時惟所適

平昔於王褒贈周處士八絕中喜誦其龍
尾禪室一首今連日行荒山中頗贈幽居
之興以其句為一詩寄楊中立謝顯道劉
壯輿陳易同趣歸期也有好事者亦不
予鄙

井汲纔通徑

山頭百尺井有徑者如失惟有參橫時山人起
自汲

蓬蒿自杜門

藜牀坐來久前年曾到門聞道蓬蒿滿秋風着
舊根

人還虛室靜

何許人到來得藥尋歸徑吾廬月不落象外獨
常靜

鳥宿暮林喧

未晚鳥歸宿倦飛憎世樊綸巾久接狎訢語不
嫌喧

貧賤

貧賤不可惡白首不敢辭聖人為我戒敢不周
旋之山王亦何事五君詎見遺素彼後世何論
評相瑕疵雖有解嘲人正自漫爾為寄言宦達
子努力向金閨

送知府張路鈐還闕

橐戈未肯下靈州白馬將軍今白頭將軍父子

重儒術坐有絲衣人則休六年謹頌流圖落臥

使睢山添咋喙看山飲水無一事日俸歲飢欣

自若匹馬飄飄朝九天晚交別送亦潜然煩君

去路望嵩少猿鶴相思端可憐公之先德太尉

綠書生便釋然忘
懷太尉名守約

思四明所居與桃紅渡相對

今朝旅恨到何處軒窓直對桃花渡
桃花渡上風吹雨道人芒屨誰來去

涼州女

涼州女紫塞春輕黃濃黛君莫謳漢宮曾此選
才人鹿角角魚鱗鱗有山有水無此珍我強寬
愁亦怒嗔逢着澄江悔不詠功曹豈自誇聖詩
揚班湫神恩加廣應公以其誥祭之

平生笑殺詛楚文今朝廊時祭湫神嗟爾湫神

何為者上公袞冕皇恩新日出揮揮收霰雪仿

佛拜命若可親湫神傳云是揚班墳墓突兀白

姚秦當時功闕今不著崔蕭之史討無因將軍

得名宜勇死里俗所頌疑未真黃蜂往媒康氏

女親迎波間不敢嘯至今七名後二日康家送

女紛紅巾神視可已胡不已清明之德先諸身

湫初未從雷霆夜鬼借百車載湫齋宜囚厲鬼

縛惡虎螟螣何足煩怒嗔邪人不困亦不飢山

可夜入耕陽春初無稷稻勞灌溉黃床黑黍易
與仁敢言此水淺於舊霽電雨起雲輪困千人
一日酌不竭神物所寓誰敢塵豈但簫鼓十州
遠祭秩已八四瀆倫異時香火故允會品極勢
重力益振位浮於人神所殛神忝厥職亦愧人
我勞再拜不私禱上佐邦國下斯民敢學韓子
炭谷湫嘲慳侮怪徒跋跋

寄琦公

住小溪

窮塞歲暮懷琦公實真侶恨此長城風不送小
溪雨夢斷七十強心留五字苦斯世何寂寥無
人稱丈許

寄光公

湖上石楠花出屋待久老僧來默默徐言經歲
不出門偶向今朝移苦竹有琴掛壁積塵埃強
之使彈響山谷至今兩耳猶冷冷邊風日夜相

思曲

洛川驛中夢與一故人作詩十餘韻既覺
惟記其兩句南山絡條華四顧所吃哀因
識之

西征豈不樂夢中詩佳哉南山絡條華四顧吃
所哀山川今可夢小謝恨能裁無令辜此夕羸
馬空徘徊

君子有所恨

君子有所恨擊指血不躁相望已千古欲語安

得到荆卿無劔術商君棄霸道二子苟不然功
烈迴穹昊嗟哉淺丈夫不自極懷抱

洗山

公事豈不猥吾性自有適雖言春風初洗山出
怪石何幸此土壤頑鷲壓空碧斬巖有天姿畚
鍤不待力橫如劔出泥縱若月退蝕乃知凶讒
輩斃為忠良賊后皇德清明萬類各有職吾非
茲世人因之聊嘆息嘗聞道人語無垢法第一

多謝讀易者洗心如玉壁

二月初山上作

與春相別云一歲遼鶴有恨不足加意韻寂寥
莫我適起逐春風山逕斜春風自與時窈窕豈
為未開桃李花不然春來已幾日何處桃李不
枯槎乃知桃李善卑取遠交深託待紛葩政如
世間嫵媚子巡墻倚戶漸齒牙公卿初豈以爾
故腰金佩玉牢聲華區區更憐蜂蝶輩草根花

底為生涯此理前人未見之我今獨得頻咯嗟
生無京國名園分况此邊城萬里沙

夜雨

夜雨豈不好欠竹與芭蕉可想春意足不聞聲
蕭蕭清夢江之南雲霓正迢遙舊遊二三子為
我吹笙簫覺來耳餘清明日是何朝

又留悵下日夕思歸輒作長言一首告別
經畧安撫侍郎

亂山急雨佐吾愁春去已遠人淹留誰能一飲

一車酒縱談醉膽下涼州元戎高韻撫鸞鳳舊

有沙堤幾步長眼底不堪論往事且誇羯鼓似

加娘唐柝卯娘羯鼓應憐逋客羞澁餘思歸歆自駕紫

車月邊風冷不得住凡骨從來有曼都頃曼都既仙去

月邊多風寒思人間

聽唱秦少遊溪路雨添花詞感舊作

秦郎不知我我豈知秦郎相逢每戲劇此消而

彼狂坐有今輔弼正色屢低昂建今白髮垂悔

昔少年場一間溪路雨淚與雨爭行黃鸝千百

在斯人今則亡如其並老去娛樂豈遽央况復

有諸生遺頌蒲汝陽予與少遊蔡州教授交代瘴霧殺君時

龍門曹慟傷今雖苟生活蒼蠅待我傍誰家有

歌喉此曲宜斷腸據我一夕恨與世同悲涼

書事學謝康樂

南北夏綿絡同名同與郵歲月老羈旅何事勤

所勤情勝古今契身以邪正分清音幸先後曠
懷得朝曛山腰轉嘉樹風袖落閑雲盤磴去來
迷飛泉高下聞龍栢肯予媾上苑侍吾君章聖後苑
雜花詩十首三花論繾綣丹丘舊網緼中抱既
兀兀外驚徒紛紛映窓有翰墨滿架亦典墳摠
虹宮棟宇流汗程斧斤少時喜詭俗老境思迨
群不復夢江湖賦詩心自欣

書觸目

山以石得名土惟山之賦如何此云山土石相
充斥土上而石下無良躋有德土實最下底位
高忝厥職或云三千年此土化為石頑陰不堅
陽如寄暫容跡因知造化功不出纖毫力君子
自苦辛小人多羽翼念從開闢來久矣莫變革
吾其柔此何唧唧復唧唧

題鄜州牡丹

牡丹憎我真惡客不解飲酒不吟詩欣持一尊

勸花飲那知不醉但淋漓爾花既醉應似我耿
耿一世幾傷悲綠珠樓下香猶在西子舟中意
尚遲三尺晏嬰頻欲殺爾何天矯尋常為沅湘
草木共憔悴幽蘭何足九畹滋昔人妙語不爾
發願我安得有好辭晚來亦解意自足秀色直
可食待肥

寄陳留江子我

丁酉

江家宅在嚴家瀨亦有商聲歌半夜不煩死魚

遠吐墨誰識天馬早流赭嗟予久已烏角巾愧
爾當年白蓮社唯昔瀟山見老禪枉嘆門人才
下下

庚子初伏前一日大雨

雨來夜早晚夢斷驚所向鼓鞀聲後先龍蛇勢
下上未此老屋何詩書果何當幸矣托皇州高
枕得無恙瑞物日紛紜豈我獨飄蕩興言及山
楹羸思輒以張疏泉到雲根松竹青益放胡不

返柴車於焉事鬱快平生知願行短髮增惆悵
明朝入初伏金火兩無恙

次韻和江子我臥病謝予相過之作

棄婦不言貧孤兒不知病美疹亦何有衰蓮披
綠淨大易疾無妄要且觀情性我來自山中非
徂亦非聘但恨清風薄安識皇都盛况聞藥艾
攻之子駭觀聽策羸七里灣憂醉豈易醒今茲
早常饌高人能自勝不廢五字吟久與金石稱

我老言亦衰同鳴不相應

數蒙揚澤民秀才惠佳篇謝以長句

嘉陵江聲不到耳嘉州清音得之子豪英磅礴
狎鷗鷺金錢棄擲等泥滓青樓不使白髮生萬
恨都歸一杯裏三蘓死後三川愁君輩人才誰
所喜

以李約交遊晚歲重為韻作五絕言別韓

紅塵歲月晚白社
蠶霞交相思得相見作底不
逍遙幾歲不出門一朝事遠遊
長安初豈遠孤
客難淹留菡萏露不遲
蒹葭霜豈晚我生寧免
愁別離無近遠
敝廬無良辰荒田多荒歲
貧賤
重離別君乎休富貴少貴
別離輕老賤別離重
後日君亦老我髮亦種種

京居秋歎

京居少蟋蟀失我田園秋何用物外感不勝中

心愁少多王霸畧老窮衣食謀神臯既絕分蠻
微亦願遊鵲飛徒繞楸坎止信乘流願惟爾青
簡能令人白頭當年魏公子今日無遺丘出門
何所從垂淚且復收

送周秀實知新昌

尊公文律自環竒雖持使節未相宜子敝青袍
哦五字州家不喜縣家嗤十年主簿今遷陟縣
衙簿尉來趨揖越絕山川舒嘯時莫歎鑑湖今

幾尺鑑湖幾尺吾其那聞道新昌佛仍大昔賢
墨妙誰識之一日清風千嶂破人間月色過中
秋天際風光稱遠遊陽關本是西州曲鷺撫蘭
橈不解愁

新昌西朋寺碑
宋宣獻公書

謝高四十子昂詩卷

我有瀟湘淚還供閭闔愁故人過我窓燈下謂
言客子宜悲秋往體格律乍相視久矣揉練幾
百過不然何以解能云是中不放客愁破文字

能自達何處有富貴莫愛離騷亡國音學乎大
雅則知未

送卻大元知果州

先生之子衽聘日自當費舍稱先生即今白頭
青眼絕空持短策長安城漢宮雨露一朝到劍
閣山川五馬行既成詩書鄒魯俗難忘家世伊
洛情攘橙卸橘饒渠勝魏紫姚黃如我盟約束
南充謝家女飛空倦矣復齊氓鴈遠難群聲不

斷

得俱徂徠長亭無酒酌君別獨將此恨西南傾

送顧彌邵朝奉知錢塘

錢塘宰是會稽客一身見盡元與白元白風流
且置之是家尊翁勇金石早受申公國士知誰
任東坡邦人責之子敢嗟官不達惟慙家世無
踵迹大才小試亦丹青衆前獨却自朝夕童稚
欣欣新有謔湖山藹藹舊相識定知不用遣酒

閑流行舉要百代歷

温公有資治通鑑舉要歷未出稱即欲刊于錢塘

謝程致道監丞以秋夜直舍二詩相視并

簡蘓在廷少監

秋風雖云高不到建章宮巨麗發妙思翰墨爭
豪雄侈子范舟興入此蒲廬中計成到誰手璽
面絲髮翁豈不憐此老氣昂志亦窮聊以壯觀
之行潦落長虹低頭謾北攘臂徒遼東白娛
蓬蒿興敢傍珪壁叢時難但已有感如霜鍾

御今上莫視蘇子是更得家風

謝卽三十五卽博詩卷

我嘗為歷學上元要極遠上元有遠邇密出
早晚顧惟爾大父皇極探其本唐堯上百代日
月來衮衮因之知百索孰可妄憎嚙子前視我
詩與子論詩壺子詩既煨爛我言得安穩為子
極源流無難如瓴建風雅闢大田騷些助鋤墾
曹劉鮑謝輩風雨得蔗菜閑居既識陶詠懷宜

知阮不有鮑與謝白也胡婉婉苟無阮與陶蘓
州曷息偃上下曹劉來少陵自益損豈易少陵
學浪走徒多踈况復來爾人不竈而市飯大兒
誇蘇豪小兒爭黃蹇詎知韓柳先學大忘赫烜
餘事五七言朝鸞恭暮鷗又如萬仞安松巖絕
蘭畹念彼形似徒澁舌吞枯菌何人分詩文兩
隊有虧鱗子早知此病我語出復返何以謝子
勤王道不可緩凜凜易春秋南面儼龍衮禮書

朝萬邦寶輅粲朱攄顏曾侍珪璋荀孟陳干首
老謾憐驥櫪壯當勇虎圈明朝役高興蜀道橫
碧巘我實愛子才語長情繾綣

庚子冬至祭鼎閣差充太祝致齋於內西
廊待漏院以近法物庫有火禁甚嚴不勝
晝夜寒苦輒成長言

至日為客昔人歎况乃客次在齋宮齋宮所寓
有火禁冰食霜寢多凄風豐屋高懸日不到未

信一陽生是中嘗聞鼎以大祭祀未聞祭鼎陳
笙鏞茲焉祭鼎戒群吏古也拜竈勞皇窮森森
鼎閣祚厥西蠹蠹明堂配自東天子萬歲調
元象歲歲年年為祝工

閣名圓
象薇調

詠老

脚踏浮雲身已老訪道修行恨不早曾見商周
全盛時不及唐虞古風好

同表甥趙康游种范李園

百態范氏后千尋种氏木灌以分李水禽鳥識
故國使我從今去魂夢常不足

蓬萊仙

我是蓬萊山上客暫到人間管春色謝家池館
縱吟魂卓氏酒爐迷醉鬼人間春色將柔何漱
漱灑灑濃如波歸來說與秦王女麻姑偷去唱
為歌

十二第寄所和邵子文病中感懷之作復

次韻寄子文

先生窮著書寧比近術赦天故使之貧赤手唯
書籍或者窺殘篇律呂起韶夏微意有子傳光
燭不隣借大臣薦曰才留守勸征駕講席出正
塗肯以眇彼訝生平猷畝心願被草木化臥龍
終佐漢捫虱聊倚華二君獨何居耿耿心中夜
不悟伊呂間安容管葛亞璞玉詎連城祗堪雙
剛價何事柳揆鬼疾病尋豐鐸井臼每苦煩藥

食則不暇不藥得中醫默符覆器 哦詩便無
恙乞酒宴茅舍彌荷天地恩性命永其貫飢鷹
待中輩死矣一飽乍願我與君候更愧東山謝
迎赦一首

燈頭異花垂永夜占云明日當有赦咄我無煩
汝報我三年却恩遍天下知人所知豈神聖偷
歡喜送真便佞犧卦箕疇汝詎知冰凍火炎予
不問曠曠日出迎赦來沸渭頌聲何休哉 陛

下萬歲御九垓王母獻壽滄海杯更看正伏單
于陪

仲謝經略安撫待制送酒之什

真茶竊所貪薄酒亦云嗜况此西乘壺旨我出

廳事歆美秦州半樽壘更几倍秦州半元戎眷

非一於焉則有二癘老欲扶持牢愁使破碎風

雪客歲殫無殞故園淚我實不能飲自有愁常

醉傾彼昔之人何必陶阮類搥劔劇孟伏文武

衛公貴

李文

宜飲

不飲者

我言

尚何

費顧

分玉

唐

帳春遠

以金

壺致

舊都

新奏

功如

花方

高會

唐人

詩云漁

陽宴舊

都美人

花不如

今鄙意

謂公不

獻貴勝

而及衰

賤耳想

陰山女歌

劉原甫

侍讀

嘉祐中

使虜

聞陰山

下有

女子

漢

服彈琵琶

傳意甚

異作陰

山女歌

說之感

而復

作復

陰山女

漢服初

裁淚如

雨旬看

顏色宜

漢裝

琵琶

豈復傳

胡譜赤

車使者

傳琵琶

琵琶翩

然雌鳳

隨

凰去豈

不憐此

女兒心

父母生

身遠有

祖平生

父母九

泉恨得

孝一朝

收拾取

使者高

義重容

嗟衣裳

盟會其

敢許漢

裝漢曲

陰山墳

七十年

來愁暮

雲即今

山川還

漢家泉

下女兒

聞不聞

誰將一

樽內庫

酒招此

芳魂亦

何有崔

慮舊族

自豪英

顧此女

兒慙色

吾巍巍

之功惟

陛下

萬歲百

男固宗

社赫赫

雷電暫

出車陶

陶韶護

詠歸馬

墨莊侍

讀如尚

在應有

好辭獻

壽年

月下作

今夜隴頭月往歲沃州山短髮添盡白遐觀彌
多閑遙憐大定僧注彩衲畦間塵冠何可久曳
杖吾當還胡不忘言休自箴茲厚顏

恨契詩

坎墮愚無計慟哭老無淚居處近何適隱道遠
何暨爰未未嘗恨始恨金石契何朝鎔而泥亦
暮泐以滓有美者伊人平昔常自謂此身敢自
輕實與劉向類孰如同姓憂斧辰况忠對與我
盛蕪門何人忍棄背碩彼蒼蠅姿頃更未附驥
附驥只須更沒身有臭嗜國中起西顧誰門復
擅勢前日既居貨今日宜入市市王誠何知多
賤而少貴懦劣既先奔強梁亦晚至俄然欣解
榻倏爾勇投袂烈烈參貔貅堂堂得英衛雲翔
土即復單于頸當繫如或騎猪歸鐵甲遮羞愧
功成麒麟閣丹青更何視莫能為爾言擊指血

進漬况我本小人西京仍已亟所得果幾何作
詩深勵

記夢

山上多曲木澗底有勁草乃知窮達性多隨勢
所到此語自夢中景物殊浩浩頗逢平生人歎
息老非少獨不偶貴勝昔見非吾好語類紫芝
歌敢不勉蹈道孰能憔悴予著之視同抱

謀歸寄陽翟李九呂十四兄

着身到雍隙故人在陽翟白髮何冉冉清夢徒
歷歷有美李將軍詩是萬人敵家封異姓王身
老二千石呂候幾世來蟬冕必踵跡如何此孫
賢早飢而晏食門前潁水流屋上蒿色山天以
延二老世人何用識祇應爾日來為我長歎息
我嘗後之遊何難此投情籬下黃菊時鴈背俯
可即嶽寺講時鍾娑娑且連屐
聞圓機累日病酒戲作存問之

善人有怒而無嗔美酒何曾病着人夫君自是
愁鬼着愁鬼一勺百氣振夫君何以致愁鬼十
年一官冷如水况今復似未第時醅酌長編痛
料理君言不覺身無聊西家醪勝東家醪是中
有米亦可飽狂費東坡歌小槽原長編疑事
屈原石板上見圓機題因和之
門掩自開閑樽空寧薄薄妙語知社美剛腸識
雷思饒花人豈貧多竹地不薄最道長官難只

愁里胥惡

次韻邵子文書夢

先生有道無寸田長歌擊壤醉伊川今式玄冢
高嵩巒嗣子詩禮老益端少從父友學其難一
書百讀口角涎父友寸步簡策邊嚴名九州四
海寬時有狂瀾匯怒湍百媼安肯一着妍獨樂
園中復往還蝴蝶沼上青草煙書成硯穴氣桓
桓蒼生屬望十九年聖時未肯誤儒冠倏見佩

玉朝珊珊汴洛迎送路接連急急政如渴赴泉
跛者釋杖瘠肥臙兵偃不用盧重環貨利去若
風中幡扶節一發天下言白髮舊德殿中間經
行求士趨傳食先生之子難鬱盤綠衣春色行
度閩群賢並進讓後先山推棟折何茫然人間
此夢白日前况乃枕簟夜穩眠仙山塵絕遠鶯
剪雲樓壘閣白鶴閑若嘖若笑玉女顏我欲並
之無因緣傍意若謂堪憫憐是間有汝世之賢
此公不死神常全王儁倜傥不及肩汝曹蟻輩
徒攻堅歆子見之駭衆仙子色不平羞青山我
為子往問彼天誰敢少弄天公推邁邁夢斷目
鰥鰥但覺毛骨輕且便賦詩不怕衆險艱

月

真月夜夜滿妄見有盈虧譬如匣中鏡一成豈
合離腥蠹與狡兔謬及丹桂枝我今盡掃蕩庶
識真月為

送曹資深受代還京兼簡劉養正頤

韓王孫子何楚楚不用根源論魏武讀書射獵
固自如劇談大笑能爾汝為君相遇在東州與
我中分萬斛愁我歸未得君歸去風流應復屬
曹劉

和二十二弟不相遇之作

秋雲欲遣雨惱此山河涼柴門試一出矯日歎
林光孔鸞勢自遠鴻鴈意亦長先後日雲間俗

眼安得常

秋吟

友生吾所畏言兒稟秋威崔子稻畦晚楊公玉

田飢階除昨夜霜鍾鳴尚依稀吾友豈憔悴西

山空崔巍

崔德符監稻田務楊
中立提舉明道宮

說之方憂韓公表大夫疾遽致仕乃蒙傳

親送陳州王樞密襄詩十首意典辭麗忻

喜輒次韻和呈以公若登台輔臨危莫愛

身為韻

布種無多寡收穫幾豐凶老農知歲異遠買務
日同孰是勉無德莫非矜有功君何謝事早兩
世有四公念公多疾病使我頻驚愕可恃膽氣
大何憂腠裏薄九丹詎凌空八石聊扶弱無煩
問安否也亦自若也賴川美鳳凰淮陽盛股肱
皇恩既布護清羸亦自與自知同涇渭孰覺異
鷓鴣魏魏君子堂而我得先登人間陳五鼎天

上應三台顧我幽居人卒歲事田菜首種既已
薄時雨又復乖身事尚如此與世宜不諧袞冕
有人妖鍾鼓成國蠹可憐凌霜榦不作濟川具
三易朝吾車六詩暮吾輔豈亦不自娛菊徑而
蘭畝末宦從遠役沈痾得此心願言麴神降何
用官鬼臨幽興落醴浦清夢繞崧岑使我既慙
昔柰何復愧今迷行常坎壈守道自熙怡伐蛟不
恃力刺虎寧用機華屋非所尚茅楹豈不宜未

覺覆孟安詎知累卵危渡江御上且無登樓戒亦
莫有如鶴乘軒便類燕巢幕此君如寶玉百火
不燦一又復如衢樽醉不謝所酌君少我十歲
憐我空老大期君到青霄遺我餘聲歎忽先辭
漢祿孰從仰周賚願惟神所勞何論心乎愛能
老彼形骸孰疲此精神繫其抱病客只是苦吟
身少出便十首高興感五辰嗟予強屬和汲思
如井輪

南門

今上元年九月初正南門鑠澁閤樞城上日出
三丈餘城下戢戢人嗟吁最憐縱橫荷菜夫歎
殺青菰成薦於驢它去啣膝聚不驅群鷄孤鶩
鳴相呼邈然不數半與猪客子四散別門趨逐
臣過為問何如知者不告色不舒或言上皇
帝有符北門不開留翠輿金賊忽屯城北隅方
今明日達聰俱司門即官上奏無未幾今賊來

坦塗城南鐵騎柴去奚車焚蕩輔郡陵別都衣
冠南下滿江湖白頭辭臣思獻書洪範災異信
豈誣

送蘇季升出守明州

四明白髮舡司空喘息使君如不容自爾怕道
四明守問今何人休嚇儂丹陽丞相蘇公子氣
和体正如家公坐令山水生清思雲南雲北揮
毫中江瑤海扇不入筋肯以腥醎水驛供百家
之產歸一器詔下掃除勤耕農皇威海外驚蛟
犀麗人大舶安得通元年新政見此守丞相蘇
公真有後過家上冢問阿兄四海澄清眼明否
送陝西運使陸節中

二十年来閔內客眼明太華高太白今日前驅
使者旌鷄舌香餘新日月春初胡騎逼王城公
在城頭佐天策將茲膽略撫西戎蕭閑遠爾無
堅敵便使秦人不告飢輶車與爾同林威唯應

拂拭舊題名幾人
身在空相憶為我寄謝錢都
統髮間不許霜雪積

今年暑氣甚劇六月二十八日初伏之末

風雨甚橫既而便晴有感作

不記作處

庚暑既云初甲運將復決正當^相火行如持淖土

炎熾及雲霄煩燠况僕妾皇天不勝毒一

日思自憊箕畢靡違舍巢穴徒更警雨脚壓嶙

响風威振巖喋滂沲驅鬼神庭除覓舟揖扶搖

百年木斲誠一瞬捷豈容壺蠹諒搜芥龍厭

我屋茅何支彼田禾已殲簡編恨枯槁縱橫恣

潛沍泉酌便無情湯餅誰為饁亟歆為締綌從

此正經踈矯首凌鶴翔奮身脫鳶貼寧知不疊

疊俄覺復燁燁強陰難節制衰陽易威脅蘊隆

增幾倍怫鬱起重疊蝗陣斃仞張穀根自安貼

蜩狂噪百尺鳩慚勞兩頰我亦悶賦詩歆語而

膽怯

柳集亡食蝦蟇詩因有作不記作處

我讀柳侯詩不見蝦蟇篇所亡諒非一撫卷為
慨然不應流落人吟咏亦不前問爾肯中竒何
以能棄捐湯湯柳之水漁無魴與鱸背脊得蝦
蟇樽俎薦春鮮莫言形見惡素娥與婵娟柳侯
比豢豹賴以韓詩傳如聞大呂方乃無黃鍾圓
問之州鳩氏政令恐不宣我膏求亢唱其深在
九淵侯詩蝦蟇美人人垂饒涎蝦蟇竊自懼子
孫將不延素此文字何偷攘付蜿蜒蜿蜒與蝦
蟇腥介每相憐遂令連壁孤不知今幾年念豕
少年日未識侯詩妍晚見海上老口誦盡殘編
因之得揚摧今古共周旋此老可補亡已矣淚
潺湲

舟子語

晁子被放逐四方何所止隨衆到淮口脫身亂
兵裏長淮歲暮風舟楫不得艤因之狂雨來青

山白浪底風雨與波浪三者酷鬪靡北客怖未
嘗波神得自喜舟子言勿怖此是衝去風爾前
風衝後風縱神維橫鬼吼怒夜潮落倏忽熟風
起衝風如小人熟風若君子明日復衝風又非
前之比舟子言可賀此風即當死盛大不死者
從何覩神理京貫黼攸輩萬貨他手委官知其
然歟幾年千天紀神降與人言化酒幻桃李上
真怒中葦實錫羯胡社破我諸州鎮胡陣風從
指漢兵遂喜此不走即降矣風伯不祐我豈獨
在茲水舟子語可書聊以視知己

十二月十六日立春

今年立春常年殊要乘生氣堯胡雖鐵騎一歲
再渡河青帝寧不行天誅相公廟略託諸天亞
輔割地耳丘墟天窮地蹙否極泰王城門開
陽光舒天子當陽朝萬國不擊土牛擊群狐
青青原野無橫斂四民安樂祖宗初

旅次大風

腦尾春頭難作客借書數帙一作且共裊細洛

陽東風遠尋我水波芬折馮陵來可憐難問洛

陽爭念我邑墓有餘哀漢兒辮髮益胡軍望望

都門何日開勤王之師未肯發怒颯激起無

摧顏黃河浪高大岷山金賊欲遁不得回吳檣

楚拖日千里太府有粟寧待催朝廷號令必

漚物我得歸到孝王臺近遣郎官數輩

曹仁熙高水壁

夫子在川上悠然歎所逝見逝不見水身與水

不二天維及地軸去矣不可制日月徒勞勞出

入夫赤地莫言此身微久圍待經濟或指波濤

觀姑在蹄涔內後人不及門有口安足議劣得

蒙莊周動與呂梁會犀公識前波不共後波繫

龐公橋柱流奔湍是誰事熟誇觀濤者八月吳

儂戲瞪目不敢瞬睫軟蛟鼉噬多謝曹仁熙筆

端落妙意欲採甍社珠於此觀粲翠

張平叔家綠糕

君家綠糕何處綠三月晴天蕩漾時
繭不得却煩素手與晨炊客子千頭萬緒苦方寸五絕誰得知

次韻謝人惠詩

東郊久不開春風宜斷絕梅信豈得芳何處香芬烈徒令湖海士借論古人傑
柰豕豕病何蕭

寺多積雪終天不出門圖史欣羅列歆上皇

帝書廟堂誰稷高遊魚清且一作直飛鷺遠更

絮顧彼四輪車禦侮難結輒一朝叩旅舍問我

來何說再拜謝之子我正如子拙

謁嶽廟

吳楚江淮接海濤百龍有職驅龜鰲空中薨稱森然見天上雲霓不得高穆穆冕旒嚴帝削紛紛牲幣自神臯不知嶽帝從何帝要是天曹各

有曹南極祝融炎劍戟東方太皞却旌旄若容
羲仲慕羲叔亦許帝舜囚帝堯牛斗吾鄉如失
位奎婁魯野豈專朝人間職分已顛倒願正天
紀尊堯堯

淮南王

淮南王解燒金胡為黃葉落故林神仙昂氣覆
千里草木姿媚鍾磬音誇誕之語恐難儻然安
得我登臨即今巨盜處處起天子不貪淮南

地

贈陸遠大夫

顧陸筆墨森威儀身後猶為道子師欲觀道子
觀顧陸陸孫定自有天資或言苦學龍眠者不
頌世德誇羨兒肯為俗人落吾筆玉許支公實
我知儻非從容接笑語安得生氣今如茲湖光
萬丈明珠滿對此住客申愁眉
又題陸大夫畫逸少遠遊道林

會稽內史勤筆墨遠遊中坐無一物何事丈夫
愛神駿團揭鼻齒映頂足拄杖圓笠如意負蓬
髮着巾俱肅、相向忘言在何許望斷高山空
翠麓

舟題王許支圖

海嶽登臨許遠遊上乘雲氣下扁舟可憐畢竟
不聞道妙翰神駢却得留右軍憤世猶懷古何
事一朝得支許馬足不動羣奴癡感深絕俗俱

無語

積善堂

我家得姓自衛史文王之昭鍾厥美西京御史
府大夫父慈子忠不惜死至今墓上無曲棘潁
川歲時虔廟祀中原喪亂厭風塵南渡不及渡
遼水晚惟道武攬英雄遼東之晁同興起世封
潁川剌濟州子孫嬋媛冠劔偉唐有賢良如漢
初名動集賢為學士是時海內圖書家一晁未

讓張與李

三平三相張

忠實文華入本朝三祖百孫

同一体中祖潁川襲遠封東祖西祖復於濟自

從決策罷兵未

文莊公會韓范等五師罷西師遂恭大政

平進不厭

百寮底即今門戶益衰微攬古懷今情局已

上恩塊北播無垠宿莽心存春藿靡漳州有母

行百齡疏封鈿服明光裡夫人眼力尚針婁拜

息不易從稚齒初惟夫子有子賢曰此布濩敢

不俾何勞夢帝血面論直以微誠動旒宸華堂

白髮喜更新即看青袍子高第壽榮千場日未

央膝下曾玄扶且倚中眷有孫不能鳴東眷孫

文刊燁煇

送懶散先生東歸

先生身幹若浮查台響霜鍾激水車平生樂逐

胡一作鴻

鴈起倏遊吳會忽京華公卿到門問窮

達未易可置吾齒牙今豕何事亦青衫掉頭棄

擲如泥沙數術因之為道術淨居與世不交加

一醉十日醒五日雙環粧罷日新花胡塵滿眼
獨不怕此非淨居之勝耶

題兩馬圖

前馬去駿、年少意有餘後馬追馳驟喘殺肥
鬣奴

二十二弟自常州寄翦刀及筆來作長句
弟書毘陵來有同股分刃之刀綠管白毫之筆
刀是寶公錫上之所懸筆亦江淹夢中之所得

江南刀筆有如此不比豐沛吏蕭曹而興鋒鏑
顧惟二物大有恨不蒙獨孤府君一言之飾使
君惠山延陸羽文章不落翰墨迹於今有用則
勞勞破賊露布征兵檄小楷帖黃奏北闕念弟
未歸空歎息

錢德載以臨江朱玠筆見贈以詩謝之德
載與李先之亦相善

清江長官空書來朱玠妙筆空悠哉恐是怕上

萬言書惡嫌並命憎不才

說之與先之同除著作

實紀二十韻

雙廟之前扁舟艤太原失守胡塵起鐵馬渡河
京城閉堤上奔亡如磨螳不是清河早腹兵千
艦萬舳去何已百家相逢不相識同聲嘆言有
如此闔貫梟鬪一日間地下未應有餒鬼董卓
燈躋照催泥祿山腸流盛安使此二句謂貫雖
京不及刑家自全黼弗顯誅恩尚委楊炎終報

元載讎微之實同宗閔耻

此二句謂京黼

政刑

既棄胡虜盛中國下尊招訕毀尊名重器假狗
疑公卿何人是知理嗟予老病豈樂生實抱忠
謀難須死亦嘗奏對明光殿寒飢徒步荆棘裏
面風背日若有待前有戎車後妻子戎車不斷
項都城元戎一言左右以遙有人家投宿無骨
肉夜飯無鈍齒不嗟五日不頓面但憐一夜燈
花喜庶幾明發脫盜手復見皇威振遐邇廟堂

丹旌謝太傅奕棋未罷風塵弭前夜客投佛寺
晚全家凍泣木魚底我今朝夕幸已多聞見紛
紛聊實紀

靈壁石有未上供者狼藉兩岸

鳳凰山石與石殊勅使督貢傾舳艫空不數
碧筵苜媚日寧顧女珊瑚但識天圍蕭韶底豈
期汴岸爍餘煬帝錦帆几來往曾不得汝恨何
如

枕上聞蛩忽久不鳴

促織復促織爾實借豕職語我以詩書覺豕以
道德胡然久不鳴似知不如默默而如見容實
惟已失則不見容而疑豈不云大感智或神於
耆夢有不待卜秋風日已高太白光如植予豈
默、時殺身猶吾國

連日與性之王君談遽來告別因作

許州秀才周若蒙星官占罷淚無淺歐陽公死

不過夏天上之星已告凶常秩王回暨姚闢排
斥先儒不少容回第曰向竊笑之學問文章衆
所同識此二事王氏孫酸寒先生稱祖翁先生易
老淨肇樂晚奏象繫明光中清淨之化決百年
寡欲愛民自祖宗先生為大祖講易至於
治國莫若愛民養身無潛仁畜德流必遠譬如
如寡欲上嘉納之喬嶽生寒松天之生材弗浪與不世其美安得
雄君之積學萬石簞筆力仍閱千石鍾遑遑欲

談誰聽此一作秋江好渡多柔風

舟中倦甚

櫓聲出入如謳發晝長夜短睡地絕舡窓獨踏
天地隘出向舡頭望寒月月寒不照孤衽人自
與紅鑪得意親何日有田吾意得躬耕瓏首待
陽春

曉霽

沈痾春夜客風雨送愁來曉雲收風雨一瞬靜

九孩東皇太一人盜賊何有哉上使四門關豈
但桃李開下使小人退即日大輅回昭昭負帝
德汲汲揆天才白頭見太平酒醒豁所懷

說之有庭珪真墨一為儀真賊所焚伏蒙
二十二叔特以真墨見惠喜出意表輒賦

詩申謝

黃氏忘三摘吾臂醫九折有如老商胡何言問
折閱兒藏廷珪墨賊火出烈烈是時干戈起觸

醜積不血寧復有此物硯此伴白髮叔父曰乞
汝可憂百如結矧此微物者戲劇論巧拙拜吾
叔父賜理亂聞一轍再拜叔父賢世珍視不屑
百拜叔父意見學安得輟

謝蘊文水仙花

飄零塵俗客再見水仙花清芬二十載饒殺蘭
杜家

王性之自揚州迂路相訪於海陵荷其意

厚非平日此贈詩以別

九死性命存乃到海陵倉海陵何所有麋鹿晝
成行多倉多麋鹿今也恨難忘爰從本朝來
人物上國光容豕迹其間性之因翱翔性之篤
忠信又復能文章一世所趣附在眼獨不忙困
於州縣吏歛翼弗許張蹉跎誰識之心膽空堂
堂我不自撥者薦之三府傍相公意似順衆口
極雌黃我斥不得容為子增慨慷子行群賊中

妻孥道長路掛帆揚州灣聞豕病在床不尋在
睹來或謂子不剛活我以簡策飽我非稻梁告
別闔嶺去波浪春風狂既欲殺風毋又欲射天
狼四海俱已震何處一身藏揮淚與之子閨睢
哀不傷祿山傾社稷朱此侮君王予今無此孽
但可正皇綱文章出號令忠信被農桑之子抱
此罷用之斯民康吳酸宜勉強無煩憶粟漿

陳情
氣字可
作氣字

春風到來久今日令得行
蛙殷曲池滿柳色深
卷明負病老客子徜徉難
為情豈不懷故隱盜賊問
徂近得望行在氣侵
庑崢嶸諒待賢者出一
偃天下兵四夷堡障靜
三農田野耕鷄豚飽故
老廉恥責後生我雖素
食者自謂能頌聲此情
誰與同有公仍有卿

次韻和馬子虛學士感事見贈

與君中山時心樂得樂
土未始厭耳聞寧或刺

眼覩風雨喜分散樂事
亡難補者君青雲編翅
墮不得舉滯正相半
田園餘幾許前年白馬
亂不保使君詛去從
竟陵謫竟陵人何慕妻兒
思此歸耕桑失寒暑
邂逅恠我存魂招未
奚數強歆布露之愧
君健能賦

流寓海陵半年忽得周元仲分寧書欣慰
與常日不同輒有作代書

海陵士子江東客我到海陵無主人
蒼波知君

到何處直待書來消息真與君相去歲月久世
事茫茫誰出手桑田欲變仙人去鶴駕雲輶安
得取愁腸出淚付滄波江上秋風素我何何處
雲山君待灰更煩先寄綵雲歌

秋感

鄰鷄鳴已過吾鷄一何懶要穩土人眠高視清
秋晏惜秋清秋時留客久異縣莫謂茲荒敷千
金滂畿甸黃屋在揚州江山被恩幸肥瘠翻吳

羨宮粧驚楚練雖云胡馬陣敢敵水龍鑑有事
郊三年神降樂六變萬國走玉帛西京鎖宮殿
明發迎歸路茲夕淚如霰孤旅愁思絕一身幾
憂患

秋適

今日秋光遠吾意亦已閑致此清羸身茹莢蕙
故間一別嵩陽縣二紀不得還幾處逢新秋幽
夢著舊山水落淮南舊水流日柴關

閑極

閑極忘羈旅秋色為我深
牛臥樹外影鷄鳴堂
中心自言身已隱人道尚官
歲明趨傍海郡適
我梁甫吟

謝季左司筆墨

韓揚州蕭劍州相忘終日
夢悠悠何如微季掾
三府國譽御評坐以收
不忘筆墨高人興為道
明珠無昧

且遽告求行題其父所作夢記之後

前身高陽老道士今日京東蔡秀才杜門藏書
萬餘卷不知何身得之哉

雪中懷水雲館

六出花頭萬疊波水雲館前不肯過玉鸞素面
如相語人間清興今如何

無客

嗟予少好客今老客棄予忽
飄流未不知歲

又除良愧彼黃鵠千里無脩塗江東賊強臣王敦
輩淮南盜揚行鍾阜彼朔雪斲與豕何娛

明當雲夢去已又何如

將為枝江之行

北斗垂幾尺東京路几千大江復幾深臘尾難

放舡豈無彫胡飯疾病相後先波濤日夜起高

枕相與眠春風明日來為豕添華顛沅湘盛春

風蘭茝為人妍沅湘無故人耕釣異雲壘沅湘

有故人避地於豕前彼美媚學子共講中庸篇

呈華藏密印

藏華有主人百界轉織埃主人順喚客祇頭不

敢來

文集卷第五

文集卷第六

高山景迺生晁說之以道一字伯以

律詩

秋陰

漠漠秋陰好遙空見故鄉
可堪高葉病無賴燒
花香枕靜泉聲細簾疎
風影長肯教容易雨吟
興動何郎

和斯立夜校試卷呈同舍十二韻

校藝來從魯聞韶昔在齊容葭倚樹驩會食
井藜禮數延文士雄豪動武奎嚴擬池上雪燦
爛谷中霓喜見雙頭錦爭求獨角犀化金思點
竈畫酒頭分篋氣壯如觀海言危擬去梯且思
竭馬力馬敢效牛蹊蕭統聞香臭劉卽善品題
鉛黃方宴集風雨借分携永道愁城破休教眉
守低戶鄉吾自樂歸去逐群鷄

再和資道

佳山陪四絕名士出三齊芬馥生蘭蒨荒蕪去
藁藜光華深北斗氣象到西奎靜思如含露揮
毫若吐霓美求鮮鯉鱠珍訪辟塵犀出衆青錢
士麟經白玉篋高張射鵬手穩步上天梯吾友
由斯道狂生不識蹊淮南書有作謂斯商隱賦
無題謂資慷慨簪頻擊吟哦手屢携寒廳薰帝
淺深夜笑言低今上莫嘲雕虎從來學木難

再和

何事謝玄暉臨巖且悵齊想非逢錦綉應祇見
蒿藜今日三千續昭天十六奎煌煌鳴佩璐燦
燦動旌霓服衆稱擒虎超群許拔犀品輕龍尾
硯時樣鳳頭莧棄若文公席危如墨子梯只宜
馳大路爭可訪幽蹊我亦慙強韻君能出巨題
笑言容委曲良宴幸招携黃菊開應滿清霜厭
莫低誰人傾魯酒更復噉韓雞

和斯立重賦

是非真未定楚客莫咻齊後美珍魚鼈麤疏鄙
飯藜詩文歸藻鑿得寶應參奎蕭洒裛塵雨清

明避日霓露華鳴老鶴月鬼射靈犀儒雅元簪
筆風流且帶莧辛勤無黑突騰躍有丹梯白顧
迷轅駕焉能識路蹊從容金谷集醇唱漢江題
好是類微策相看便解携塵埃隨日起窮悴使
人低桀犬鷲老犬家雞笑野鷄

和脊道登岱頂回

藹、天孫作晚嵐為嫌俗骨遣教還仙兒隨處
真堪惜只在含眸一笑間

近作小池頗有野意日晚臨流吟柳渾獨
不見慨然有作

無波枉階若堪凭白露青頻更可凌過盡秋風
獨不見此時腸斷柳英興

十月初七日入郡塗中作

棄臣怨、宋墨筆躬年忽、道塗衣博崔趙李

久寂寞乙馬甲班誰是非

覽冀亭榴花

長夏清江倚碧岑人間塵土莫相侵榴花不得
春工力顏色何如飛杏深

寄侍講呂原明七丈

悠、客子京華遠只把清秋淚濯纓黃葉風前
身亦老白雲影外世還輕書未舊德知無恙夢
斷疎鍾恨有情昔日諸生今在不丈人因為話

平生

說之昔教符離諸
生夫人曹寄寓彼

讀韓退之詩有作

萬樹殘英委泥滓柳花成絮獨高飛自憐纖質
無人賞宛轉還從洛浦歸

贈吳僧

驅馳疲朔馬邂逅見吳僧便覺秋容淨彌憐客
恨澄青山尋舊賞白社語新燈他日扁舟去儂
家一笑能

狂風

十日狂風不偶然未教飛李關婢娟閩西將士
曾如此直入齊宮斬小憐

次韻荅澗上夫人見寄

夫人一別今何闊菊雨蘭風自歲年茅屋歸來
思叙舊繩床老去不談禪世無孔子徒為爾今
媿孫登重惆然幸有陽城山水在更留住處待
黃緣

和陳叔易見寄

終日焚香卻祥暑只此於君媿典刑莫怪慙勤
問元朗此心要自渴滄溟

次韻澗上丈見寄

有懷南澗老月冷夢魂賒
壘閉金丹竈雲迷玉
斧家高雲嗟縹緲醉墨喜傾斜
明日秋風起愁
看菊藥花

再和班字三首

丈人在何許
箕外潁水間
明映波心月清餘雨
面山短衣非舊
甯陋巷是今顏
不解隍州去平

超十八班

梁武帝分百官十八班

公來前有約更望少微
間爛醉新醅酒能忘舊

隱山瓊瑤雖在質塵土會
彫顏永夜陶陶語令

人愧尹班

尹敏班彪廣絕交論云尹班陶陶於永夜

高獨人難解當求古哲
閒韓康多在市陶令懶

遊山念豕可憎面無兄
得解顏公乎來早晚荆

坐要須班

次韻又雨甲子日喜晴之作

愁霖開霽忽今朝
摩撫為魚鱗
甲消竈下鼃蛙
歸在階簷遑雲霧
起叢霄已驚病能
眼明即更喜新詩
慰寂寥莫把陰晴
論甲子請從根本
問黎苗

聞叔易隱居被召二首
處士何人為作牙
盡携猿鶴到京華
故山巖壑

應惆悵六六峯前只一家

雨霽聞溪流作

山前霖雨霽
流水興何長
曲澗通蘭若
餘音到草堂
龍鱗應已備
魚尾得令狂
奏凱入關陣
尋仙泛海航
月添波蕩漾
風共影泚茫
不作羈臣淚
明朝涸復常

峻極上院

山下青春已歸
百花山上正芳菲
人間顏色

易零落百萬千年雲錦衣

節孝處士徐先生

積字仲車

莫怪先生身上貧眼看物外似浮雲房中除却
棊棋後更有門前鶴一群

政和元年正月一日作

元年元日日甲子從自漢歷未有三摠祀皇恩

調玉燭今朝獨更覺春酣東漢元魏皆是正月一日甲子與今凡三

癸未歲余與開封解安行同知定州外縣

赴二帥上元之集今辛卯明州燈夕公會

上見却報解以大夫知嘉州感舊作寄

伊昔中山勝事賒初當三五便開花君能選色

沉醉倒我自傷心深感嗟聚散十年逢節序窮

通百態各天涯使君綺席誰同樂莫遣燈花照

鬢華予與解同歲

早春

日日江頭騁望頻東風去歲舊相親庾郎欲作

披香賦未有花開未是春

聞四明人不喜鞦韆因作

思歸未得限深年時節清明最可憐越女腰支
勝趙女生平不敢賽鞦韆

愁

雲暗花寒春在否煙波漠漠不禁愁此愁肯逐
楊花散帝與幽人種白頭
無素愁未欲解携春光何事亦如迷只應自有

人行樂枉是多情王會稽

寒食書事

冷官不易逢寒食海角風霜剗作寒杏粥揄羹
渾不見蓬池春色夢中看

戲作

終日一杯終日醉看潮初上看潮回自疑前世
陶貞白乘興閑遊鄮縣來

昏昏

昏昏非所志忽、是何時客恨潮聲起春愁柳
色知何煩連日雨要劇故鄉思自顧囊中術黃
金未可為

有感

日日蒼黃出畏塗自憐何事得虛除天教豺虎
露齒爪好是哥奴不讀書

西渡

西渡幾回送客春風今日思家我亦歸期可數

休言此是天涯

予今春多入城戲作村裏來絕句村裡來
是蛺蝶名滕王所畫者

胡蝶催花一夜開却愁春盡重徘徊我身亦使
滕王恨日日隨渠村裏來

依韻和蔡天啟任四明絕句三首時暫來
四明便還丹陽缺不樂此後篇為四明解
嘲

行盡三江失所誇便教信美豈吾家却回揚子

江頭去者種瓜洲子母瓜

真隱閑從鄮縣采三山仙藥眼中開此身自有

華陽洞肯學東陽歎老槐

未識涼風寶殿西寧驚海角有遺黎玉笋無日

膏瑤柱金馬何人賞不犀

二物明之珍

見諸公唱和暮春詩軸次韻作九首

是唱首

平 緣子

何處留春意歌殘燭半紅柳斜雙舞破花落獨

書空歎作經年別先驚昨夜風烏衣多勝槩此

際恨難窮那識春將暮山頭擲獨紅潮生芳草

遠鳥滅夕陽空鳥賊家家飯槽舡面、風三吳

窮海地客恨極難窮歎惜芳菲盡香腮越女紅

簾垂啼鳥散鏡掩舞鸞空梅短嬌含雨萼絲懶

倚風高歌君輩在老子素途窮留春留不得怯

去舞衣紅那惜河陽暮唯驚洛浦空丹成人奔

月金就鶴乘風此恨何能已盧郎百計窮五字
留春句如開蜀錦紅幽香知不滅宿恨望來空
婉婉能揮日綢繆擬割風江淹方思苦今上御名莫
道才窮春殘留幾日越女笑蚕紅江盡愁何盡
牀空夢不空鷺多知近海蝶少為饒風底事吟
詩健吟詩正待窮芳草搖輕碧薔薇著小紅肯
嫌飛葉薄王蒙事只恨柳枝空夢斷三千里愁生
五兩風四時顧家好作底却言窮上苑群芳外
娑羅二月紅妖饒秦女妬淡蕩越江空敢夢鴟
鸞侶徒披草木風傳家細帙在百巧愧千窮令
公頭皓白執拂妓殷紅綺席千觴醉芳塵一夕
空顛狂援北斗飄蕩怨東風得意傷春甚癯儒
况路窮

秋日有感因誦王元之送文元公詩云追
思元白在江東不似晁丞今獨步之句戲
作

三吳山水喜秋風
白蟹青蝦角水東
獨步晁丞
孫子到誰憐
憔悴衆人中

引伴宣事惠詩六首
過有襄稱且及其叔
子文之舊輒次韻為詩

白髮蕭條到海濱
秋風邂逅故園人
三千紅錦
巧為張百萬金
黃肯買隣漢節
陸離驚遠俗
商歌窈窕會相親
男兒躍馬橫戈志
收入詩壇更絕塵

一世淒涼朋友恨
九原涕泪歲時深
逢君若自傳家法
顧承寧堪話此心
却喜雞鳴藏麗句
遙看鳳閣散層陰
幾多故舊問衰悴
說似羸師不足擒

九日戲作

無高可登無節序
無菊與泛無酒罇
歸計知時
凌海岳傷心成醉迷
乾坤冥冥蝨雨翻
愁思急
急風霜若苦言
安得北人來
見家會須莫出水

東門

偶見司馬公休陳無已書簡感舊作絕句
卓行高文司馬陳當年簡牘拂埃塵身名藪振
火青冢見在淒涼海畔身

書事呈中令長老

憶昔中華年少壯相逢海角意何如驚人老境

便如此還解同嘗橄攪無師云去歲大寒花木

此三十年後始恐有
之因致張司業
體作

枕上作

年華又已暮客恨更難裁寒鴈背潮去鍾聲隨
雨未離騷今夜讀時分昔人哀但喜歸期近寧
論白髮催

有感

天邊鴻鴈會高飛白髮婆婆敢庶幾哭子泪乾
心尚折還山計就事仍非交遊幾處聞稍缺崑
阜何人自採薇海角再逢殘歲雨懶將梅葉洗

衲衣

書懷二絕句

老境才來便輒留
龍門勝韻去悠悠
此壞京洛愁無恨
更對滄江壘雨愁

右木江亭懶不開書
空自笑興悠哉蒼苔一徑

淺深遍知道無人向此來

疊後

病眼終朝更懶開
難輸心曲語悠悠
徒教苔徑

無人到日、潮聲自上來

年、至日常為客

年、至日常為客
只此淒涼似古人
忍傍寒江

望京國難將旅鴈與心親
天涯誰解觀雲物
弟

輩送憐面玉宸
自料明年猶俗駕
南京不到

西秦

一作東秦

無那

無那客愁
誰作樂尋常
閉目暫時開
沉：月向

波心出渺：人送天際來莫道一山無積雪誰
家千樹落寒梅洛陽故舊吾憐汝愁絕終朝泥
酒杯

次韻和周大書事絕句

終日寒齋咏小招故人軒檻俯谿橋可憐不得
宣城郡白日消來恨未消

無題

身世何如薦福碑浮沉聊學弄潮兒清風一日

令心盡黃卷三冬謾手披夢寐無煩徂錦段笑
談誰敢犯湯池周侯鳳德寧咸少所謂春陽或
咸之

鄧掾知言再和暮春詩見視過形推獎有
意論詩報作三首

駘蕩殘春恨霞餘散綺紅遊絲能四塞落葉劇
三空思苦欲留夜愁多却喜風恭軍真俊逸好
是念文窮君侯哦苦淡雅不愛深紅冷眼看春

盡愁腸欲海空近尋山谷體遠到建安風只恐
妨高步令君似灰窮江左多才士君詩醉玉紅
幾篇愁客恨九畹任春空便欲傾家釀誰知出
谷風劉揚名一代可惜羨山窮
西崑體方盛時
梨園伶人作一
窮士云李商隱
縷甚云近日為人偷盡

荅恂閣黎乞漿

白頭破褐恂閣黎硬白高談豈易知却喜粟漿
如此客從教薄相笑無奇

謝錢掾

論思獻納方自代海舶鮪人豈識渠長嘯清風
含雪語憐儂不解讀新書

江暮

何能浣客愁長夏暮江頭嵐遠疑無象潮平似
不流濁吏雲送雨蕩颺鳥隨舟明年北歸去談
話未應休

江上獨坐

少時曾識京華樂老得江山懷抱開風月不談
辜此夕恨隨潮去與潮回

偶書

京華可望無高樓聞道故人多白頭此身却似
城東木惜別相離不自愁

秋

長年何事不悲秋今日天涯愁復愁故國老槐
空寂半天歸鴈自悠悠故知庾信多清泪何

事陶潛亦白頭前日家人帶秋葉求身強健更
何求

西風

秋風幾日過秋關直訪畸孤海上山為報故山
都是舊可憐留滯不知還

因誦張司業無事焚香坐有時尋竹行之

句擬其體作

寂寞江邊舍欹斜架上書焚香一童子尋竹衆

雞雛更甚昔人懶寧論今世疎但慚為吏在不
得跨鯨魚

自詠

樓籬蕉落貯秋陰曠足蕭然學越吟懶似嵇康
初不鍛閑於陶令更無琴兒童亦習南朝事風
月應憐此客心五世圖書宰相逐鬢毛未許雪

霜侵

陸龜蒙憶高山詩云如今却
習南朝事自負尊羹學取魚

江亭晚望

秋色日駸、江亭啟宿陰殘霞沉浦口新月出
波心客恨此時薄歸懷晚歲深隣僧數來往未
肯愧南金

興盡

興盡未歸增寂寞却嗟初興到江城春愁不逐
楊花散秋恨還同桂影生孤學敢期人晤語危
檣何事日崢嶸弟兄遊宦俱還舍朝馬驂驪禁

漏聲

十第通直三第
朝奉俱還昭德

偶作二首

病目書淫歇江干絕往來不才寧嫁樹有意尚
移山王府書名久南山種豆閑只應終夜氣不
共鬢毛斑聞道花都發狂風故作讎春心先自
薄客恨更難收不免飢寒甚永同理墳休何須
問詹尹雅意在丹丘

有感

吏隱兩非空百感塗窮浪跡亦何哉波濤遠引

月華去風雨常將月色來孤學有誰同慷慨獨
愁無地重徘徊謾談景德祥符際幾許辭源賦
八哀

戲呈通叟兄年索其近詩

歸期若可數何事此時情春色雨中盡客愁天
際生離騷煩爾傳月旦莫余評早非周妻厭因
因不肯鳴

落花學羨山

春來脉脉去輪囷滿地飛英委玉塵荀令香殘
端有意石家錦碎更堪珍自成霄漢星前石腸
斷驪駒掌上人我又飄零本憔悴為君今日恨
輪巾

花開未幾忽已盡落戲作

天涯花信誤心期狼籍殘紅只往時怪底小憐
渾不睡夜深惆悵夢周師

通叟年光視以柳侯廟詩三首輒亦有作

所謂增來章之美也

平昔柳侯廟拾君詩興餘帝閣誰掌制天步此
身符敢恨初沉佩惟慙再索車羅池聊自戲况
復已臻燕何處乘駒去空庭荔子垂韓詞方走
奠柳廟久徂飢既恨謀身誤仍嗟報國墮羅池
便如此不復問愚池當世容讒賊他年素灰何
文編興舊學子厚文集因詩價重東坡前無賞
者自東坡木斨開能幾子規啼謾多羅池碑字
始之

戒猶解徹庭莎

子厚詩云遠爾凋底石徹永庭中莎

贈柳三解

莫道垂楊管別離與春離別自依、若教兼有
征人恨只恐鴉兒不肯歸

海角那知有宮柳故園春思尚依、可憐風韻

去人遠一日花開天際飛

桃李那知楊柳恨故時風雨不依、自從彭澤

無人後青眼雖開心事非

悠悠

悠悠、知作吏氓、送年華勉強對殘客慙慙惜

落花真行慚不聖潮汐恨定賒却怕梁園去家

人間海涯

題王明打毬圖

闔闔千門萬戶開三郎沉醉打毬回九齡已去

韓休死無復明朝諫疏來

從教

從教病着探葵減未放愁攻白髮添欲看落花
時入戶風高盡日不垂簾

何事

何事千憂自惘然且看節物異御邊
鶯來昨日猶多吃柳到今朝第幾眠
上巳清明徒頽頽二日
清泃觴蹴踘豈周旋故知白髮因渠得
忍更貪愁憶往年

還諸君唱和雪詩次韻作二首

蕭散人間阮始平輕盈雲外董
雙成飛英試比休爭麕連壁
驩言與共明黃竹異時徒思苦
幽蘭同調得心傾何須灞岸蹇
驢夜更學幽人老婢聲
胷中塊礫若為平今日相如雪
賦成廣野喜逢三得白高山真
遇四邊明瑤音願豕何能和玉
色煩君幾見傾形穢由来慚獨
目自憐猶識佩環聲

咋舌

咋舌何堪妾一鳴三年如夢寄江城春江細雨
添清思漸近歸期更有情

暮江

南朝勝韻此間無醉本蘭亭強學書人物本朝
還可恨誰傳燕老暮江圖疑燕公必常

自和因思國史燕穆之傳稱其知明州革
輕悍鬪爭之俗及今海潮圖作

燕公未肯袒虛無悍俗歸仁舉國書莫道邦人
都背德壁間猶有海潮圖

欲談

欲談無應莫吝容悔不居身可否中盡日小齋
何所樂芭蕉且雨竹且風

王順之得子寄二絕次韻報之

賓客能談少傳兒海中仙果得生逢自今一落
人間後即見新枝壓舊枝

茂弘不用長年悲
淮水東流本與期
一日名駒驚俗眼
奔雲老驥敢言衰

水仙

水仙踰月駐芳馨
人物誰堪眼共青
白傳有詩皆入律
腥鹹声裏亦須聽

事具白詩

春初

春初未有象幽興
一何深細雨能輸
酒輕風不隔琴無
煩問北信且強學
南音白髮寧欺客
愁

來處、侵

風雪

風雪三冬北江潮
二月時恠今阿那
事不得作春詩

病目作近体詩五首

病目經旬作夢中
只應天意欲教慵
詩成願作瞎太祝
位極恥為盲老公
不用千憂徒盡足
何妨一笑謾書空
頗不如喜見人志
好在春來六

六峰

何事蘭成酷愛愁借愁為樂
揜宜休天涯二月無新歷
京國三年誤舊遊忽接家書
迷遠近款為客難却沉浮
道人猶喜頻相遇話盡丹丘
更虎立江頭未省逢春事
風雨朝々夜々深皎潔一生
餘白髮辛勤百計只丹心
不疑鄭默世能怨敢恨
虞翻論所侵明日逢人添
俛首會催歸興到

山林

沉、何處有春柔日極無垠
風雨秋底事須登七尺
劔要當自掖千金裘圖書
愧黃絹飛李縱開嘲白頭
事與願違宜泯々願違於事
更悠悠

愁極猶知吾道尊尚煩幾許
北堂萱善人在夜御評臧老物
可憎天意存謾使楚囚臨灃浦
難教漢使識河源著書昔日年
猶少老意今朝欲

絕言

惜春

待得鶯來花已落
斷難料理謾
咿嗻便如前
哲亦非敵八斗才
當萬斛愁

春色

春色真無賴
羈人自慷慨
鶯能嘲客語
花解笑人忙
腰板休含睇
欄干枉斷腸
明當元幾日
何處有流觴

贈道光

老僧講罷結茅廬
憶昔鳴琴着意餘
一曲風前三百遍
十年不作如初

即事

自言愚似醉
休道醉如愚
不耻小盤食
寧慙掘筆書
九原懷往泪
萬里夢同途
政恐能知豕
何妨更罵予

感舊寄上芸叟侍郎

於越茫、羈旅久、函秦落、笑談中、曲江蝨月
新春夢寒食人家故國風此際一罇曾邂逅
時相見更從容、夫人筆力知強健何事書來不
吐虹

寄韓君表

別離何用愁天涯塵世由來百感賒白雪恨難
逢柳絮東風悔不識梅花詩書異戶余何有將
相同時君莫誇聞道近還思卜築好來嵩少共

蝨霞

感舊

林稍接手百花浮昔與王孫倚小樓風物無情
常自若男兒何處不堪愁蘭成只憶江南老丞
相難忘洛下遊今日天涯送春淚不堪更為種
瓜侯

偶見張天旣奉議書策後題跋感舊作絕
句

軒、衆藝天張旣翰墨悲涼二絕餘今日無人
知姓字史官他日若為書

春盡

春盡天涯恨最長啼鶯不識紫游韁空驚綠葉
成火髮何處殘英伴落妝

何曾有夢到瑤池但見狂風落海波簾外飄英
紛不識誰人尚復憶辛夷

恨同

恨同狂階頻潮汐情與游絲關短長垂釣壘童

緣底泣難將心事問何郎

何遜詩云壘

二十六第寄和江子家竹夫人詩一首愛

其巧思戲作二首

莫愁嫵媚主人盧織墳交竿巧得模綠粉敢爭

紅粉麗魚軒休比鶴軒踈女英謾對湘君泣子

政徒青天祿書夾膝得名何不韻秋來臥病竟

何如

今竹夫人唐人謂之竹夾膝陸龜蒙竹夾膝詩云最宜秋一室偏與病相當

寒、故國謾玄盧

玄盧二水在孤竹國

內子可憐殊不

模擬此封君寧有實歆為節婦亦何踈且休深

妬斫椽挑狂是多愁織錦書貧士一妻常不飽

更煩訊謫幾人如

阮宣武歎美桃花妻便大妬斫去其樹出妬記

復次韻寄子豕四首

柴門僅付一寒慮不內不妻深有模每與芻蓄

同繾綣好未箕帚共蕭疎謝娘莫道能聯句鄭

婢無煩亦讀書前日媿娟今不見頰搥眼白却

能如

醜婦賦曰兩眼自如白又曰頰如研朱搥

何須晚嫁獨傷盧雲母無媒自納模紅斷美人

情不競雨回神女分還踈敢同孫壽巧為態頗

稱江淹懶著書歎息火籠俱麗墳當年風韻本

何如

范曄詩云徒嗟今麗墳豈念昔

當年配馬莫嘲盧今日化龍還寢模塵尾雖長

君不妬搔頭謾短豕能踈夜寒青女難携手海

濶麻姑肯寄書五色筆歸空婉婉幽篁殘夢自

常如
汾陽勲業重彤廬涼霍同封不世模貧士豈知
燕玉暖幽眠莫共膩香疎徒容恥與石為第寤
寐欣逢仙降書若是雙流參六貴錦圍繡被又
馮如

次韻和韓君表懷歸見寄

旅夢何為喜別蒿移雲當日自裁松公孫勲業
忽垂意逋客蚤霞豈不容笑語若同遊下澤雞
豚亦共臥高春莫誇有力先歸去恐愧朝蟬與
暮虹

留別延慶明智

傍海嗟為客傾心欣所知蚤霞威鳳老岐路斷
猿悲夢亦西方近談休南本遲
公久欲講涅槃行
行招隱意高岫解相思

余寄和冲弟竹夫人詩并寄子我六首後
征其類自贖

風流何處有崔盧委曲此君為我摸草夢枕仙
幽意在燭奴燈婢故情踈偶人飄蕩泥何恨居
士神通木謾書葉可作冠聊復爾恨為如意亦
何如

還通叟年元詩卷

白頭從事未拋詩無柰才何復苦飢我易吟愁

歸樂土曰君賜斷鄴中詩每恨公不見前輩二

謝景脩惠洞庭春色

三公故云

洞庭春色何年賦越國王孫幾種愁今日忽親
鸚鵡杓當家餘韻落芳洲

贈童子批序

拂拭方山帽安排一復中春秋書滿架整、莫
因猶

荅童

何敢受筋力無勞戒勵重但當知諱字聞說是
邪中

題畫扇

秦、何處樂獨自託孤枝玉粒知無分清風也
自戲

寄昭德兄弟

莫言無合亦何傷旅雁早飛怯稻梁南畝荒蕪
蒿少遠却來撒口茶勾芒
角東羈旅情何託江北蒼芒恨不收靜夜櫓聲
來枕上猶疑身在木蘭舟

哭程伯威

程子音書歲月賒幾年泉下始咨嗟孤忠曾奏
三千牘絕藝寧論十四家白髮文髡無淚絕青
箱兒恨有塵遮人生到此成何事第二碑成亦
謾誇

觀明道先生桃花菊詩作

歎息天工暫醉時重陽物色艷陽安便生春思
兼秋緒當日董生宜一窺

叠前

董生今日窺園圃幾許傷心涕淚垂金令不行
呈木怪無端灾異樂哀為

題大年関路逢僧圖

関深羈思滿風断緑陰單一遇空門侶那知行
路難

次韻任伯舟領宗學長句

幾重墨守豈難攻歎息儒珎亦一作林易窮轆

轉八紘騷遠迹凄凉一代賦出通喜君舟戴長

安日顧豕頻驚沙朔一作沙風莫恨官曹太清

冷官花時醉上林中

又和西捷

西州五帥議多攻決策曾門利不窮今日一乘

能必取異時重譯要皆通明光喜霽甲兵雨沙

磧恩搖草木風自顧腐儒何所補騎猪難在虎

狼中

赴鄴州京鄭間途中作
園林葉落丹丘遠
坂路霜寒白髮侵
不是關西將家子
也無詩思着秦音

頃客解梁有詩云
中條山下讀周易
定是前身關子明
是時頻與張芸叟
侍郎通書亦嘗寄
此詩呈視今再過
此郡遇芸叟之
客王六東起感懷
而作
玆路十年塵埃身
不知何事往來頻
敢言上國

非吾土自許中條
是故人志在常編
徒寡與人
亡陸海謾多珍
龍門有客暫相值
頗話年亦苦
幸

河中府追懷亡二兄及思永興十二弟

表裏山河季布州
我家兄弟憶同遊
芸香寂寞

定青冢二兄學士嘗絳帳飄零欲白頭十二弟

授教守此郡羈旅即今無好語
登臨自古有高樓
頗聞酬

唱西崑在關里
諸孫添我愁兄弟在此郡時孔

毅甫提點刑獄多

和唱

河中戲作絕句

人物英雄異姓王
山河生氣尚光鏘
可伶只解誇佳麗
花落春空更斷腸

塗中

十年未就歸山計
一日翻為保障翁
無柰征衣中散虱
可堪行道度人風
悠、秦晉山河在
漢金張冢墓空
回首江湖二三子
長亭寒夢亦

匆：

塗中寄高仲詒

飄零誰惜別
不賦送行詩
獨有悲秋客
難忘上壠時
素心慚錦段
清淚濕瓊枝
塞馬寒來健
夫君莫我思

過荆軻塚四絕

過華踰河勢北傾
何人來此葬荆卿
千金匕首安知在
易水寒來尚有情

太子當年許不踈
虎狼有劍斷頭顱
逡巡不血
荆軻手自要
輜鯨費鮑魚
刺客傳中軻絕倫
後來未足怯
寂無人
秦人更甚
無人恨不莖
燕臺留莖秦

貫日白虹可素何書生
容易笑荆軻
美新任黨

臨遺塚慚愧絕無狐兔過

楊子雲柳子厚皆雷
同罪軻非太史公意

將至鄴州

平日心迹笑元龍
今日城邊比蔡邕
豈是白頭

著書地聊當涕泣自從容

初至鄴州見月

此是鄴州月
人間應更無
欲垂一作無窮清夜淚
桂

影莫扶踈

延安江漢堂上懷范五丈龍圖堂是五丈

所建

煌、斗柄垂南北
浩、斯人江漢堂
橫吹三川
秋月遠雅歌
九姓暮長天
顏闔病後精神好
最

是秋未飢食強誰識得名因伯氏飛鴻送盡更
茫々 堂名本是亡元无咎於慶州所命

自延還廊懷京師親舊

羈旅無歸不自任重々白髮巧相尋扁舟前歲
江湖客匹馬今朝關塞心攬古豈無王霸畧窮
途只有短長吟故人憔悴多如此誰解多情送
好音

行踪途中讀柳子厚詩

征衣窮塞暮冬時讀盡龍城太守詩若使平生
詩盡在濯纓無淚為君垂

直羅縣三絕句

索回頓頓亂山阿目眩心搖到直羅待得羅川
平直處晚來荀令恨如何

人生不合出都城百坂千坡異縣情教、當年
聖人道如今孤兔不勝行

縣有聖人道乃赫連
教、御路也教、每

聖事必以稱

羌管戎歌亦闌新長官家勢洛陽人相逢且覓
山花好莫話銅駝金谷春

令史君謨洛人

送春

雨裏花開過愁中燕到遲一春都寂寞不作送
春詩

葉善養寺薄嘗為鄜州從事有詩相送予

至鄜作寄

夫君舊遊地圖洛我盤桓旅夢朱絃斷荒山白

髮寒文高驚小阮

其猶子內翰符寶

達晚在長安得慰

相思處瑤瓊落手看

席上有唱歐公送劉原甫辭者次日又有

唱東坡三過平山堂辭者今聯讀唱之感

懷作約句

龍門不見鬢垂絲莫唱平山楊柳辭縱使前声
君忍聽後声惱殺木腸兒

山城聞笙簫思

靈芝宮事作

笙簫婉變落人間
目極靈不遠
猶喜遺音吾
獨識且教明月在空山

復入廊城南門

南走京洛道
羸駉到却回
只應如幕燕
自有社相催

過漢武望仙宮在廊寺之西三絕句

海外求仙事
渺茫却煩鶴駕訪
劉郎脩門自有
偷飛客好試
低眉問帝鄉

山下時、聞鳳簫山中處、得蟠桃劉郎仙去

何難事不用飛樓百尺高

黃金無限不須成
欲塞河流要負薪
誰識望宮表裏事
只因蕩漾阿嬌春

用仙宮鋪壁上諸人韻作

香霧漫空玉作塵
五龍雙鳳細扶輪
君王不得
須臾語只有輪臺哀痛身

塗中依韻和高主簿完翁見贈長句

高乃使君

之客早
休官

孤宿孤江嗟婉婉窮冬殘夜認璿璣乘槎邂逅
關心切舒錦綢繆到眼稀豈有梧桐留鳳食端
愁霰雪犯狐衣秦樓老去應多可好聽吾儂緩
緩歸

再和

梁

帝詩云

人生行樂

耳何處

不留

人生行樂留連耳何用千鍾貯室玳主簿休官
如習早使君下榻似陳稀已看燕寢玉如意更

聽雕梁金縷衣

使君家

歌喉

莫道塞垣風景惡


開花何處侍郎歸

又和

客子吟哦聊遣悶敢將魚目報珠璣寒來何事
水流急愁裡更堪人住稀使豕難忘麋鹿性多
君已棄芰荷衣山齋永夜宜請語莫只山公倒

載歸

文集卷第六



程